

Obavještenje za medije

U Sarajevu, dana 24.2.2022.

Broj: 77a/22

Dvije stotine škola učestvuju u projektu Zelena revolucija

Naša škola, "**ŠESTA OSNOVNA ŠKOLA**", učestvuje u projektu "**Zelena revolucija**" koji je pokrenut od strane društva ZEOS eko-sistem d.o.o., ovlaštenog operatera za upravljanje električnim i elektronskim otpadom.

U periodu od 01. februara do 31.maja 2022. godine, osnovne škole širom Federacije Bosne i Hercegovine će zajedno raditi na području zaštite životne sredine osiguravajući čistu budućnost bez e-otpada za sve generacije naše države. Cilj projekta je: **Izgraditi zdrave navike odlaganja kod školske populacije kroz edukaciju i praktične primjere odlaganja e-otpada u školama.**

Specifični ciljevi projekta su

- Upoznati stanovništvo sa e-otpadom, kao kategorijom otpada
- Uključiti akademsku zajednicu, djecu i roditelje u proces zaštite životne sredine
- Informisati 100.000 učenika iz 200 škola
- Spriječiti zagađenje kroz sakupljenu količinu od 200.000 kg e-otpada
- Uspostaviti praksu odlaganja, edukacije i predaje e-otpada kroz besplatnu ZEOS-ovu uslugu u školama

Takmičenje i nagrade za najbolje

Škole će kroz razrede izvršiti adekvatnu edukaciju u skladu sa dostavljenim prezentacijama i materijalima, te organizovati jednu radionicu, a nakon toga nastupa takmičarska aktivnost u sakupljanju e-otpada. Za tri najbolje rangirane škole u sakupljenoj količini e-otpada, biti će osigurane nagrade u vidu nabavke potrebne IT opreme (**pametna tabla, projektor i IT oprema za učionicu informatike**). Pored navedenog, u odnosu na sakupljenu količinu e-otpada, svim školama će biti donirane potrebne sadnice za uređenje školskog dvorišta ili opštinskog parka.

Za pravilno odlaganje **e-otpada** škole dobivaju kante, a sama količina može da se prikupi od strane učenika, lokalne zajednice (građana), ali i firmi koje žele svoj e-otpad pravilno predati na ime neke od škola učesnica. Pravna lica popunjavaju nalog **ovdje**, u napomenu navode ime škole i općinu za koju doniraju svoj e-otpad. Usluga preuzimanja je **besplatna**. Takmičenje traje do 04.05.2022. godine, kada će biti vršeno i preuzimanje e-otpada.

Pozivamo stanovništvo na odgovornost i učešće u zaštiti životne sredine, da svoj električni i elektronski otpad pravilno odlože u kantu u lokalnoj školi.

Dodatne informacije se mogu dobiti putem telefona +387 33 628 606 ili putem e-maila projekti@zeos.ba.